

الأحد 28-09-2008

394- التدريب عن بعد: الإشراف على العلاج النفسي (19)

.. متى نتصل بالمريض؟

د.مراد: هي بنت، عندها 28 سنة، بتشتكى من إنها مش قادرة تحس سواء بحزن او بفرح، بيحصلها حاجات تانية، مثلا: رجليها توقف ما تقدرش تمشي عليها مدة قصيرة يعني دقائق أو أقل، ساعات دراعها بيوجعها قوى وما تقدرش تحركه، مرة من المرات برضه عندها شعلت لفوق يمكن من الدواء، اللي أنا يعني عايز اتكلم فيه ان الجلسة اللي قبل الأخيرة واحنا قاعدين في نص الجلسة بالظبط فجأة قامت وقالت انا مش حاقدر اكمل، وراحت قايلة ماشية يعني الحة اللي أنا انزقت فيها بالظبط هي: اعمل ايه في ده؟ يعني انا ما عرفتش ساعتها، ثم وبعد كده لما تيجي المرات الجاية إذا جت، اكمل ازاي؟

د. يحيى: بتقول قامت بعد قد ايه؟

د. مراد: بعد نص جلسه بالظبط

د. يحيى: بعد نص ساعة يعني؟

د. مراد: أيوه 25 دقيقة تقريبا، يعني احنا قعدنا 25 دقيقة وراحت قايلة

د. يحيى: هي بقى لها معاك قد ايه؟

د. مراد: 6 جلسات

د. يحيى: بتشتغل؟

د. مراد: لأ هي ما بتشتغلش بس هي يعني، خلصت دبلومة في مجال تخصصها وبتحضر ماجستير دلوقتى يعني حتسجل قريب

د. يحيى: السؤال بقى؟!

د. مراد: ما أنا سألت السؤال، هو أعمل ايه ساعتها، كنت اعمل ايه ساعتها؟

د. يحيى: طب ما تقول لنا انت الاول عملت إيه، وبعدين نعلق على اللي انت عملته

د. مراد: یعنی الی حصل وقتها ان الی جه فی دماغی ساعتها یعنی، ان انا اکمل وقت الجلسه حتی من غیر ما نتکلم طالما هی مش قادره تقعد

د. یحییٰ: ما خلاص، ہی مشیت

د. مراد: آه، ما هوّه ده المقلب، انها هي مشيت

د. یحییٰ: لیہ مقلب

د. مراد: أصل اللى جه فى دماغى انا ماعملتوش، أنا لو عرفت إني اخليها تقعد، دا كان الحل اللى فى دماغى، إنا نسكت.

د. محیی: بصراحة الی خطر فی دماغك ده جید، بس صعب، لازم العلاقة تبقى أقدم شویه، ومضمونة شویتین عشان تقعدوا ساكتین قوی كده

د. مراد: ما أظنّش كنا حانستم مدة كده

د. يحيى: طيب السؤال إيه دلوقتى؟ ما هي مشيت وخلص.

د. مراد: السؤال أعمل إيه بعد كده، يعني موقف زي ده اتصرف فيه ازاي؟

د. محلی: انت مش خطبت بتقول، ولا اتجوزت؟

د. مراد: اتجوزت

د. يحيى: يانهار أبيض، مبروك، طيب نتصور سوا، لو دى بنت عادية، يعنى قبل ما تتجوز، وانت ماشى معاها، وقاعدين سوا فى حنة، وشديتو مع بعض، أو حصلت وقفة لأى سبب، وهى عملت معاك كده تعمل إيه؟

د. مراد: حسب یعنی..

د. يحيى: ما هو برضه في العلاج النفسى يا أختى "حسب يعنى"

د. مراد: آه یعنی حسد

د. يحيى: طيب، مش احنا اتفقنا إن العلاقات الإنسانية واحدة، الفرق في الالتزام، والتنظيم، والتعاقد والهدف

د. مراد: بصراحة، أنا ماليش خبرة

د. محبی: ہوا انت صاحبہ بنات قبل ما تتجوز

د. مراد: مرة واحدة بس مش مصاحبه مصاحبه، يعني

د. يحيى: خلاص خليها في سرك، وخلي خيالك يشتغل، يعني لو انت مصاحب واحدة وقابلتها، وراحت عاملة العملة دي، تعمل ايه؟

د. مراد: أنا قلت "حسب"

د. يحيى: بالضبط، شوف يا ابني، احسن حاجة في العلاج النفسي إنك انت تمد ايدك كده على المجتمع اللي أنت فيه، واللى المريض منه، وتروح جايب عينه في خيالك أو ذكرياتك وتشوف ايه اللي جارى حواليك وتقيس بيه، وإلا حاتبقى بعيد عن الواقع الحقيقي بتاعنا، يعنى مثلاً كلمة التحرش دى اللي بيكتبوا عنها في الجرايد في بلاد برّة، أنا لما باجى أطبقها هنا ما بفهمش قصدهم إيه، آخر تحرش قريب كان اظن وزير خارجية باكستان تحرش بكونداليزا رايس، الله يحبه، قال إيه بضلها بصات فيها أنا بتاع نسوان، أنا راجل فيتك، حاجة زى كده يعنى، الست كوندى اتقمصت، ومش عارف عملت إيه، والجرايد كتبت عن الحكاية دى، وأزمة دبلوماسية، وكلام كتير هنا وهنا، وأنا عمال اقرا ومش فاهم، يبقى انت عليك دايمًا تفكر نفسك بالفروق الثقافية دى. تفكر الثقافة اللي انت منتمى اليها واللى مريضتك منتميه اليها، دى المقاييس اللي تقيس بيها، وما تناساش احتمال اختلاف الثقافات الفرعية، يبقى ساعتها ثقافتها الفرعية بتاعة المريضة أهم، يعنى لو هى من الزمالك وانت من السيدة يبقى اللي ماشى في الزمالك أهم، وهكذا، وبعدين تخط نفسك مرة مطرحة، ومرة مطرحها، يعنى لو انت شخصيا في موقف زى ده، حتجى ورا البنت صاحبك وتلاحقها وتكلمها في التليفون، ولا حاتقل لحد ماتشوف آخرتها، بالنسبة للحالة دى، ولو من بعيد ولو بدرجة بسيطة المسألة فيها بُعد شخصي يتعلق بشخصيتك، وتجربتك السابقة وفيها بُعد حرفي متعلق بمدى ما وصلتم إليه في العلاج، يعنى مادام فيه علاقة علاجية نشوف حصل فيها إيه، يبقى لازم تبص لنفسك بهدوء وأمانة، يعنى مثلاً لو أنت صعيدي واعتبرت إن دى إهانة لرجولتك، غير لو أنت من التجمع الخامس "ومتعودة دايمًا!!" وكلام من ده، وكل ده ما ينفعش تحكم عليه والعلاقة مقطوعة، لازم حاتستنى تشوف اذا كانت حاتيجى تاني، ولا حاتكلم تاني ولا لأه.

فيه احتمال بقى انك انت تكون بتلوم نفسك على إنك أنت مسؤل عن مشيائها ده، يعنى مثلاً إنك أنت كنت تقدر تأجل مشيائها أو تلغى مشيائها، وده برضه وارد، ومش عيب، بالعكس ده من حقل تحاسب نفسك، بس مش قوى، ليه بقى؟ إنك عندك كذا حالة غيرها ما مشيوش إنت تلوم نفسك أو تبص قوى في نفسك إمتى؟ لما ده يتكرر مع واحدة واتنين وكثير بشكل غير مألوف، مقارنة بزمالك مثلاً.

النقطة الثانية اللي انت لازم تخطها في حسابك هي مصلحتها وظروفها، وهي ما بتشتغلش مش كده؟ سيبك من حكاية الماجستير دى، دى مش شغلة، صحيح هي ممكن تمل وقتها بيها، وتمثل لها سند مؤقت لحد ما ربنا يسهل، أنا في السن دى، 28 سنة، زى ما باقول لكم دايمًا با ابقى مشغول على البنات، ساعات أسأل الواحدة منهم: "هو انت بتطفش اللي بيقرّب منك ازاي؟ باقول لهم كده عشان أفكرهم بدورهم الإيجابي في استقبال رسائل العلاقات، يمكن البنات بتاعتك دى اتعودت على التطفش فعملتها معاك، وجت فيك في سياق العلاج، أنا بأقول يجوز يعنى، مجرد احتمال .

د. مراد: يعنى ما اتصلش بيها؟ أنا معايا نمرتها

د. يحيى: لا لا لا عندك، هنا لابد من الالتزام والحسابات حسب الاتفاق في حدود التنظيم اللى متفقين عليه، صحيح انت لازم يكون عندك نمرة تليفونها أو نمر تليفون قرايبها، وده مش معناه انك تكلمها، العيان هؤا اللى بيسعى للمعالج، في بلاد بره، ساعات يدفع مقدما، ولو غاب تضيع عليه الفلوس عشان انت فرغت نفسك في الساعة دى له، وهو ضيع وقتك اللى كنت خصصه له، احنا عندنا هنا الدكائرة طيبين، بس ما توصلش لدرجة إنك تكلمها وإلا المسائل تخش في بعضها، فيه استثناءات طبعاً، مثلاً لو كان فيه احتمالات ضرر واضح وجسيم ممكن إنه يلحق بيها، أو باللى حوالىها، ساعتها يبقى عندك التليفون الأقرب ليها، وده من أساسيات التعاقد، لو انت متأكد من احتمال الخطر ممكن تتصل بأهلها بطريقة رسمية، مش تطلب إنها تيجي، لأ أنت تطلبهم للحصول على معلومات أكثر عن اللى جارى، وبرضه للتنبيه على الخطر المحتمل إذا شفت إن الحكاية جد، ودى مسائل صعب حسابها جداً، لأنها ساعات ما تبقاش الحكاية خطر خطر، يمكن يكون مشيانها مجرد بتزوغ من ضغطك عليها عشان تخضر امتحان مثلاً، أو عشان تعمل مقابلة مهمة للتوظيف، أو عشان تلتزم بالدوا.

د. مراد: يعنى دلوقتى أعمل إيه؟

د. يحيى: ولا حاجة، اللى وصلنى من المعلومات اللى انت قلتها دلوقتى إن العلاقة ماشية، وإن اللى حصل ده حصل يا دوب الجلسة اللى قبل اللى فاتت، وإن ما فيش خطر قوى ولا حاجة، إنت تستنى بهدوء، وهى حاتيجي، ولما تيجي تتكلموا في ده أو ما تتكلموش، ونشوف سواء، بس خلى بالك لو تأخرت عن مرة أو جت وما جابتش سيرة خالص عن اللى حصل، ده ماينفعش، في الأحوال دى بيحصل وقفة وتعاقد جديد، بنسيمه "إعادة تعاقد"، الأمور لازم تتحدد أكثر ونكمل، بس ببداية جديدة غالباً، وبشروط أوضح تحط اللى حصل في الاعتبار، من غير أى تلميح بعقاب أو قنص أو كلام من ده، وبرضه من غير تفويت.

د. مراد: متشكر

د. يحيى: أنا اللى متشكر